

Alkitab Sagan Kakanakan Mengenal akan

Janji Tuhan
hagan
Abraham



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: M. Maillot; Tammy S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Batahun-tahun
imbah banyu bah,
urang-urang di
bumi baulah
sabuting rancana.



"Ayu kita maulah
kuta hagan kita
lawan manara nang
pucuknya sampai
ka langit."



Buahnya baucap. "Ayu kita
maulah ngaran, supaya kita
kada tahambur di dalam dunia."
Satiap urang bapandir lawan
sabuting bahasa nang sama.



Tuhan handak supaya urang-urang hidup di dunia ulahan-Nya. Jadi Inya maulah sesuatu nang istimewa. Imbahnya, kalumpuk urang-urang ngintu bapandir lawan bahasa nang balainan. Tuhan mambari bahasa-bahasa nang hanyar hagan buhannya.



Buhannya nang bapandir bahasa nang sama bapindah
Ka wadah lain. Buhannya takutkan kada mangarti
bahasa sauting lawan nang lain.




Lawan cara ngini Tuhan maulah manusia maisi nagara-nagara nang balain. Kuta nang buhannya diami bangaran Babel, nang barati kabingungan.



Batahun-tahun imbah ngintu, di wadah nang
bangaran Ur-Kasdim, Tuhan bapandir
lawan saikung lakian
nang bangaran
Abram. "Tulak
mulai tanahmu,"
Tuhan manyuruh.
"Tulak ka tanah
nang Tuhan
padahakan
ka ikam."




Abram patuh lawan Tuhan. Tuhan mamimpin inya ka tanah Kanaan. Bininya Sara lawan anak kamanakannya Lot tulak lawan inya.



Di Kanaan, Abram lawan Lot
kaduanya jadi sugih. Buhannya baisi
banyak banar kambing domba.



Gambala Lot lawan gambala Abram bakalahi. "Jangan ada nang bakalahi antara ikam lawan aku," ujar Abram. "Bajauh ikam matan aku. Lot, ikam badahulu mamilih tanah nang ikam handaki."



Lot mamilih tanah nang barumput subur parak kuta-kuta lawan desa-desa. Kalihatan bagus banar.





Imbah Lot tulak, Tuhan bapandir lagi lawan Abram. "Aku mambari samunyaan tanah Kanaan hagan ikam lawan anak-anak ikam hagan salamannya." Abram lawan Sara kada baisi anak.

Kayapa Tuhan mambari janji nang luar biasa ngintu?





Talu urang utusan Tuhan datang manamui Abram lawan Sarai. "Ikam pacangan lakas baisy anak," ucap buhannya.





Sarai tatawa. Inya kada percaya
lawan pasan Tuhan. Inya sudah baumur sambilan
puluh tahun. Tuhan Bafirman Abram pacangan
dikiau Abraham lawan Sarai pacangan dikiau Sara.





Tuhan baucap lawan Abram inya pacangan mahancurakan dua kuta nang jahat Sodom lawan Gomora. Anak kamanakan Abraham Lot badiam di Sodom lawan kaluarganya.




Lot percaya pas
peringatan Tuhan
ngintu disampaikan,
tapi laki lawan
anak-anaknya kada
handak maninggali
Sodom. Liwar
maristanya!
Buhannya kada
percaya Firman
Tuhan.



Lot lawan dua anak biniannya haja
nang Selamat. Api lawan belerang
gugur ka kuta nang jahat ngintu.
Sadihnya, bini Lot kada menaati
peringatan Tuhan lawan mangulik

kabalakang pas
inya bukah.



Inya baubah jadi tiang uyah.




Tuhan manapati
janji-Nya
hagan Abraham
lawan Sarah.
Buhannya
baisi anak pas
buhannya sudah
tuha, nang kaya
Tuhan ucapakan.
Liwar arainya
pas Ishak
dilahirakan.



Abraham
mamikirakan janji
Tuhan nang dibariakan
hagan inya lawan
anak-anaknya tantang
tanah Kanaan. Tuhan
pacangan manapati
janji-Nya jua.

Tuhan manapiti
janji-Nya tarus.



Janji Tuhan hagan Abraham

Sabuting kisah matan Firman Tuhan, Alkitab

Taulih dalam

Kejadian 11-21

"Amun tabuka, firman-firmanPian mambari pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

